

Zeitschrift:	L'ami du patois : trimestriel romand
Band:	30 (2003)
Heft:	123
Artikel:	Amicâla dâi patoisan de Savegnî, Forî et einveron : tenâbllia dâo 28 de djuin 2003 à Forî
Autor:	Goumaz, Marie-Louise
DOI:	https://doi.org/10.5169/seals-244599

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 05.08.2025

ETH-Bibliothek Zürich, E-Periodica, <https://www.e-periodica.ch>

Amicâla dâi patoisan de Savegnî, Forî
et einveron.

Tenâbllia dâo 28 de djuin 2003 à Forî

L'è pè onna raveu d'einfè que noûtron novî presideint, Jean-Louis Chaubert, a saluâ 47 patoisan qu'avant pas z'u pouâire dè lâo fêre à cramâ! 16 s'îrant estiusâ. Aprî onna tsantâie pè Lè Sansounet, la tenâbllia a ètâ eimbrèyà à dè bon. Falyâi sè dècidâ po onna salyâita. Victor Corthésy a fé 3 proposechon et l'è St-Ursanne qu'a ètâ chè. Sarâ po lo demicro 10 de satteimbro 2003.- Lo presideint l'a lyè lo rappoo de Pierre Guex (fro dâo payî) su lo 50 émo de l'Associachon vaudoise dâi z'ami dâo patois et l'a bin remachâ lè meimbro de l'Amicâla que diant adî "preseint!" quand faut âidyî quauque pâ. - Dama Irène Noverraz, la vèva d'on riére-presideint de l'Amicâla è nommâie meimbro honoréro avoué dâi féllicitachon du que l'a prâi sè 90 an. N'ein ora 4 meimbro honoréro que sant eintre 90 et 100 an, sant : Louise Chollet et Lucette Décosterd que lo presideint salue, Reynold Richard (on riére-presideint) que por vouâi sè tin âo frè, et dan Irène Noverraz que guide onco son tenomobilo! - Lo presideint rappelle la fîta dâo Rebiolon pè la Savouye lè 30 et 31

d'âoû mâ, cein tsî su la fîta de la truffyé que l'Associachon "Jorat, souviens-toi" prepare à La Ferme des Troncs à Mèzîre. On pâo pas ître pertot! ein on yâdzo!

Su quie n'ein z'u onna galésa eimpartyà famelyîra avoué on bon petit-goutâ quemet de contema. Lo presideint a cllioû la tenâbllia ein sohiteint tot dè bon à tsacon et... se possiblîyo onna câra de plyodze!

Marie-Louise Goumaz.

Po recafâ

On coo reincontre on autre coo et lâi fâ :

- Sâ-to porquie lâi a rein que lo 30% dâi fennè que vant âo paradi?
- Na, n'ein sé rein.
- Eh bin, se lâi ein avâi mé, sarâi l'einfè!!!

Mâ, onna fenna que passâve per lé avâi oyu la reponsa. Ye di à l'hommo :

- Sède-vo cein qu'on farâ no z'autrè fennè quand lâi arâ pe min d'hommo su la terra?
- Na, vretâblliameint na! N'ein sé rein.
- Eh bin! no dresserein on autr'animaú que sarâ à noûtron serviço!

Lo coo l'a pas su cein que falyâi repipâ et l'a rein appondu!

M.-L.G.
